



Халқ сўзи

Ўзбекистон –
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 5 июнь, № 113 (9008)

Пайшанба

Сайтимизга ўтиш учун QR-кодни телефонингиз орқали сканер қилинг.



ЖАҲОН БОЗОРИНИ ЗАБТ ЭТАЁТГАН САНОАТ КОРХОНАЛАРИ



Иқтисодиёт

● Навоий вилоятида бугунги кунда хорижий инвестиция иштирокидаги корхоналар сони қарийб 4 баробарга ошиб, 240 тага етди.

● Ўтган йили Арманистон, Мексика, Словакия, Чили, Швейцария ва Эквадор бозорлари ўзлаштирилиб, қўшимча 4,4 млн. долларлик маҳсулот экспорти амалга оширилди. Ва экспорт географиясидаги давлатлар сони 35 тага етказилди.

● Бу йил вилоятда ўтган йилдагига нисбатан экспорт ҳажмини 127 фоизга ошириш режалаштирилган.

Иқтисодий барқарорликда “япон мўъжизаси” ҳамон кўпчилик эътиборида. Чиндан-да, Иккинчи жаҳон урушида хонавайрон бўлган, табиий қазилма бойликлари эса йўқ ҳисоби Кунчиқар юртининг қисқа фурсатларда дунёнинг энг ривожланган етти мамлаката қаторидан ўрин олиши ҳеч муболағасиз чинакам мўъжиза.

Япония 2008 йилда бошланган глобал иқтисодий инқирозда энг кам зарар кўрган мамлакатлардан бири сифатида қайд этилади. Ўша кезлар мазкур инқироз бизга ўз таъсирини ўтказмаганлиги кўп тилга олинади. Мамлакатимиз иқтисодиёти глобал иқтисодиётга унчалик боғланмаганлиги сабаб унинг таъсири сезилмаганлиги табиий ҳол, албатта. Биргина Навоий вилоятини олсак, 2018 йилнинг 1 январига қадар хорижий инвестиция иштирокидаги корхоналар сони бор-йўғи 62 тани ташкил

этиб, ҳудуднинг мамлакат экспортдаги улуши бор-йўғи уч фоиз атрофида эди.

— Бугунги кунда уларнинг сони қарийб 4 баробарга ошиб, 240 тага етди, — дейди Навоий вилоят Савдо-саноат палатаси раҳбари Дилшод Шарков. — Ўтган даврда кичик бизнес субъектлари сони 2017 йилдагига нисбатан 3 баробар оширилиб, фаолият олиб бораётган тадбиркорлик субъектларининг 68 фоизи охириги уч йилда ташкил этилди. Хизматлар соҳасида сўнгги беш йилда 11 930 та янги тармоқлар кенгайиб, улар томонидан 100 дан ортиқ хизмат турлари кўрсатилиши йўлга қўйилди.

“Иш бошқа, ҳавас бошқа” деб, бежиз айтишмайди. Муқояса қилсак, мамлакатда кичик бизнес ва тадбиркорлик фаолиятининг қўллаб-қувватланиши, инвестициявий жозибадорликка эътибор,

ички имкониятларнинг ишга солиниши ҳар бир ҳудудда маҳаллийлаштириш экспорт салоҳиятининг ошишига туртки бермоқда. Барча ҳудудда тармоқларро, жумладан, йирик корхоналар ҳамда кичик бизнес ва тадбиркорлик субъектлари ўртасида саноат кооперациясининг кенгайиши маҳаллий хомашё ресурслари негизида импорт ўрнини босадиган маҳсулотлар, бутловчи буюмлар ва материаллар тайёрлайдиган корхоналар барпо этилмоқда. Хусусан, Навоий шаҳрида “Навоий евро рубероид” масъулияти чекланган жамиятида 3 та “МНЖ-5-1”, “Л-68” латун қувири ва “МЗ” мис қувири, “Triumf gornyak” МЧЖда ўтга чи-

дамли вермикулит панеллари, “Навоий картон қоғоз” МЧЖда гофра картон, Кармана туманидаги “Кармана гол майн” МЧЖда ҳаво филтрлари, “Karmana Al-Aziz Avitsenna” МЧЖ ва “Grand Farm Avitsenna” МЧЖда доривор ўсимликлари қадоклаш, Конимех туманида “Riverstone powders” МЧЖда асфальт-бетон қоришмалари учун минерал қуқун ва Қизилтепа туманида “Навоий эсперанто” МЧЖда “П1Т1” русумли фоллаштирилган бентонит қуқуни тайёрлаш, Хатирчи туманидаги “Голд Синтез Пласт” МЧЖда ПВА клей маҳсулотларини ишлаб чиқариш ўзлаштирилди.



Сенаторлар — ҳудудларда

Эл — улус рози бўлса...

Айни кунларда Олий Мажлис Сенати Раиси Танзила Норбоева бошчилигидаги ишчи гуруҳ Навоий вилоятида бўлиб, ушбу ҳудуддаги ижтимоий-иқтисодий ҳолат, аҳолининг турмуш даражаси ҳамда ҳуқуқбузарликлар профилактикасига доир ишлар билан яқиндан танишмоқда.

Дастлаб ишчи гуруҳ аъзолари Олий Мажлис Сенати Раиси Танзила Норбоева бошчилигида Конимех туманида Коррупцияга қарши курашиш бўйича миллий кенгашнинг сайёр мажлисини ўтказди.

Мажлис қатнашчилари вилоятда коррупция ва жиноятчиликка қарши самарали курашиш бўйича амалга оширилаётган чора-тадбирларни кенг муҳокама қилиб, соҳадан маъжуд муаммоларни бартараф этиш йўллари тahlil этди.

Қайд этилганидек, айрим ҳудудларда ҳуқуқбузарликлар сони ошиб бораётгани аҳоли ўртасида ҳуқуқий билимлар етишмаслиги каби масалаларга жиддий эътибор қаратиш лозимлигини кўрсатади. Шу муносабат билан ушбу муаммоларни ҳал этишда ҳуқуқий муҳофаза қилувчи органлар, жойлардаги ҳокимият идоралари ва фуқаролик жамияти институтлари ўртасидаги ҳамкорликни кучайтириш зарурлиги алоҳида қайд этилди.

Жиноятчилик ҳолати бўйича таҳлилларга кўра вилоятда 2024 йилда жами 4 120 та жиноят содир этилган. Жиноятларнинг 31,3 фоизи (1 289 та) олдини олиш мумкин бўлган, 25 фоизи (1 021 та) аниқлана-

диган ва 44 фоизи (1 810 та) ахборот технологиялари билан боғлиқ жиноят турларига тўғри келади.

2024 йилда коррупциявий жиноятлар соғлиқни сақлаш тизимида (4 та ўзлаштириш ва 3 та фарибгарлик) ва банк тизимида (11 та ўзлаштириш) қайд этилган.

Жойларда аҳолининг ҳуқуқий онгини ошириш, коррупциявий хавф омилларини бартараф этиш, мансабдор шахсларнинг масъулиятини кучайтириш, профилактика тадбирларини изчил амалга ошириш ва ҳудудларда хавфсизликни таъминлашга доир бир қатор чора-тадбирлар белгиланган бўлишига қўйилган.

Йиғилишда шаффофликни таъминлаш, аҳоли муаммоларини ҳал этишга қаратилган янги ёндашувларни жорий этиш, жамоатчилик назоратини кучайтириш каби масалалар бўйича тегишли мутасаддиларга аниқ топшириқлар берилди.

Тадбир якунида давлат органлари ва жамоатчилик ҳамкорлигини кучайтириш, фуқароларнинг давлат идораларига ишончини мустаҳкамлаш, одамларни рози қилишга қаратилган чора-тадбирлар белгиланган бўлиши.

«Халқ сўзи».

Муносабат

АДОЛАТ — ИНСОН МАНФААТЛАРИНИ ТАЪМИНЛАШНИНГ БОШ МЕЗОНИ

Мамлакатимизда кейинги йилларда аҳоли турмуш даражасини юксалтириш, уларга ижтимоий хизмат кўрсатиш, уй-жой билан таъминлаш, сифатли таълим, малакали тиббий ёрдамдан фойдаланиш учун зарур шароитлар яратиш давлат сиёсатининг энг устувор йўналишларидан бирига айланди.

Ўтган даврда соҳага доир қатор қонунлар, Фармон ва қарорлар қабул қилиниб,

ижтимоий ҳимоянинг инсон қадрини таъминлашга том маънода хизмат қиладиган янги миллий тизимига асос солинди. Давлат бюджетидан ижтимоий соҳага ажратиладиган маблағлар ҳажми ҳам сезиларли даражада ошди.

Янги таҳрирдаги Конституциямизда Ўзбекистон — ижтимоий давлат экани белгиланган бўлиб, қонунда белгиланган пенсиялар, нафақалар ва бошқа турдаги ижтимоий ёрдамнинг миқдорлари расман белгиланган энг кам истёмолат ҳа-

ражатларидан оз бўлиши мумкин эмаслиги акс этди.

Давлатимиз раҳбарининг “Аҳолига сифатли ижтимоий хизмат ва ёрдам кўрсатиш хизмати унинг самарали назорат тизимини йўлга қўйиш бўйича комплекс чора-тадбирлар тўғрисида”ги Фармони билан ташкил этилган Ўзбекистон Республикаси Президентини ҳузуридаги Ижтимоий ҳимоя миллий агентлиги халқимизга хос азалий қадриятларнинг яна бир бор жонланишига туртки бўлди.



ПИШИҚЧИЛИК МАВСУМИДА НЕГА ИСРОФГАРЧИЛИК КЎПАЯДИ?

Мева, сабзавот ҳамда полиз маҳсулотларини ички ва ташқи бозорларга чиқариш борасида қандай чора-тадбирлар кўрилмақда?

Юртимизда пишиқчилик мавсуми бошланди. Боғларимиз болга тўлиб, етилаётган сархил мевалар, полизларимизда бири-биридан ширин, тилими тилни ёрадиган қовун ва тарвузлар бозор расталарини беэмоқда.

Мамлакатимизда аҳоли эҳтиёжидан ортган маҳсулотлар турли давлатларга экспортга чи-

қарилмоқда. Мева ва полиз маҳсулотлари экоспорти ҳажми йилдан-йилга ўсиб бораётган бўлса-да, айни пишиқчилик пайти ҳосилнинг бир қисми нобуд бўлаётганини ҳам инкор этиб бўлмайди. Дунёда озиқ-овқат хавфсизлиги масаласи жиддий тус олаётган бир пайтда меваларимизнинг оёқ остида увол бўлаётгани ёки

хорижга юборилаётган мевалар сифатини йўқотаётгани ҳам ачинарлидир. Бу хусусда Ўзбекистон Республикаси Кишлоқ ҳўжалиги вазирлиги ҳузуридаги Ўсимликлар карантини ва ҳимояси агентлиги марказий экспорт штаби раҳбари Хусниддин ИСМОИЛОВ фикрлари билан қизиқдик.



5 июнь — Бутунжаҳон атроф-муҳитни муҳофаза қилиш

ТАБИАТНИ КЕЛГУСИ АВЛОДГА БЕЗАВОЛ ЕТКАЗАЙЛИК

Инсон саломатлиги, биринчи навбатда, атроф-муҳитнинг соф ва беғуборлиги билан боғлиқ. Аммо бугун экологияга жиддий пулур етаётгани, тирик жонотларнинг ҳаёти хавф остида қолаётгани дунё жамоатчилиги ва халқаро ташкилотларда катта хавотир уйғотмоқда. Афсуски, инсоният бу хавф-хатар оқибатларини тўлиқ тушуниб етгани йўқ. Ҳалиям баъзи кимсалар даромад топиш илнжидида ноёб жониворларни овлаш, дарактларни аёвсиз кесиш, ҳавони, сувни саноат чиқиндилари билан ифлослантиришдан тўхтамайпти.

Баъзан бундай иллатларни кўриб, кўрмасликка олинаётгани натижасида муаммо янада авж олмақда. Ваҳоланки, атроф-муҳит ҳимояси фақат экологларнинг эмас, балки барчамизнинг асосий вазифамизга айланиши лозим. Чунки ҳавонинг, сувнинг, ернинг ва табиатнинг ифлосланиши кела-жак авлод тақдирини ҳам сўроқ остига солиб қўяди.

Айтиш жоизки, Бутунжаҳон атроф-муҳитни муҳофаза қилиш куни БМТ Бош Ассамблеясининг 1972 йил 15 декабрда ўтказилган 27-сессиясида таъсис этилган. Анжуманда, шунингдек, янги ташкилий тузилма — Атроф-муҳит муҳофазаси бўйича БМТ дастури — ЮНЕПга асос солинган. Шундан бери ЮНЕП раҳбарлигида ҳар йили жаҳонда мазкур сана кенг нишонланиб келинади. Швеция пойтахти Стокгольмда эса БМТнинг Атроф-муҳит ма-

салаларига бағишлаб ўтказилган конференциясида муаммонинг кескинлигини, аҳоли орасида экологик онгни оширишнинг, атроф-муҳитни муҳофаза қилиш муаммоларига эътибор қаратишнинг зарурлиги ҳисобга олиниб, 5 июни “Бутунжаҳон атроф-муҳитни муҳофаза қилиш куни” сифатида нишонлашга қарор қилинган.

Стокгольм конференцияси якунлари юзасидан қабул қилинган резолюцияга мувофиқ таъсис этилган бу сана Ер юзидида истиқомат қилувчи барча инсонларни табиат муҳофазаси билан боғлиқ фаолиятга жалб этиш, кенг жамоатчилик онгу тафаккурида табиий ресурсларни асраш, улардан оқилона фойдаланиш орқали табиий бойликларни келгуси авлодларга беэавол етказиш масъулиятини англатишга қаратилган.



ЭКОЛОГИК МАДАНИЯТНИ ЮКСАЛТИРИШ — ДАВР ТАЛАБИ

Сайёрамизда экологик хавф-хатарлар глобал кўриниш касб этиб, бунга, биринчи навбатда, антропоген омиллар сабаб бўлаётгани бутун дунёда аҳолининг экологик билим ва маданиятини оширишни давр талабига айлантирди. Инсон ҳаёти табиат билан узвий боғлиқ бўлиб, бугунги кунда жаҳон ҳамжамияти олдида атроф-муҳитни муҳофаза қилиш, табиатга эҳтиёткорона муносабатда бўлиш, биохилмаҳилликни асраш, экологик муаммоларни ҳал этиш каби долзарб вазифалар турибди.

Нуктаи назар

Зеро, экологик таҳдидлар чегара билмайди, минтақа танламайди, бутун инсониятга бирдек хавф солади. Шу боис уларга қарши самарали курашиш нафақат ҳозирги, балки келажак авлодлар тақдирини ҳам ҳаётий зарурат, десак, муносабат бўлмайди.

Президентимиз Шавкат Мирзиёев томонидан глобал экологик муаммоларни бартараф этиш, табиий мувозанатни сақлаш, иқлим ўзгариши оқибатларини юмшатиш мақсадида илгари сурилган ташаббуслар халқаро миқёсда қўллаб-қувватланаётгани, юртимизда 2025 йил — “Атроф-муҳитни асраш ва “яшил” иқтисодиёт йили”, деб эълон қилинган бу борадаги эзгу ишлар қўламини янада кенгайтирмоқда.

Давлатимиз раҳбарининг шу йил 15 майдаги “2030 йилгача бўлган даврда аҳолининг экологик маданиятини юксалти-

риш концепциясини тасдиқлаш тўғрисида”ги қарорини ушбу йўналишдаги саъй-ҳаракатларни янада жадаллаштиришда муҳим асос бўлди.

Шу ўринда таъкидлаш жоизки, аждоқларимиз қадим-қадимдан она табиатга эҳтиёткорона муносабатда бўлгани урф-одат ва маросимларимизда, қадриятларимизда ўз аксини топади. Шарҳда она заминга тўйдирувчи, кийинтирувчи, боқувчи сифатда қаралиб, сувни ифлослантиришга, чиқиндиларни дуч келган жойга ташлашга, наботот ва жонотларга озор етказишга йўл қўйилмаган. Дарахт экиш, боғ яратиш анъанаси авлоддан-авлодга ўтиб келган. “Уммон олдида турсанг ҳам, бир томчи сувни исроф қилма!” деб бежиз айтилмаган. Барча-барчасида шундай эзгу мақсад мужассам.



ПИШИҚЧИЛИК МАВСУМИДА НЕГА ИСРОФГАРЧИЛИК КЎПАЯДИ?



1

— Ўзбекистон гилос етиштириш бўйича дунёда етакчи давлатлардан бири саналади. Бундай тансиқ мевага хорижда талаб ортиб бораётгани қувонарли. Аммо бу турдаги мева хориждаги савдо нукталарига етиб боргунча сифатини йўқотаётгани ҳақида эътирозлар ҳам учраб турибди. Сухбатимизни шундан бошласак...

— Гапингиз Тўғри, бундай ҳолатлар афсуски, учраб турибди. Ваҳоланки, юртимизда етиштирилаётган табиий нозеъматлар халқро майдонда Ўзбекистоннинг имижига ҳисобланади. Бу ташқи иқтисодий фаолият иштирокчиларига ҳам катта масъулият юклайди. Замон ўзгаришти, талаблар кундан-кунга ортиб борапти. Шундай бир вазиятда соҳага кириб келаётганларнинг баъзилари фундаментал билимга эга эмаслиги сезилиб қоляпти. Мева дарахтдан узилгандан кейин унга тўғри ишлов берилмагани, советкичлар тизими ташкил этилмагани туфайли сифати бузилиб, турли эътирозлар пайдо бўлмоқда.

Мана масалан, гилосни дарахтдан узгандан сўнг совуқ ҳарорат режимида олиш керак. Советкичга солиб, ҳароратини бир соат ичида 1 даражага тушириб олиш зарур. Агар шуни қила олмаган бўлсак, ҳар бир соати бир неча кунга узаяди ва 2-3 ойда бемалол сакласа бўлади. Баъзи экспортчилар гилоснинг қуёшда қолиб кетишига йўл қўйишга тейир. Эндиликда бундай ҳолатларни тақрорламаслик чоралари кўриломоқда.

Президентимизнинг шу йил 8 апрелдаги “Кишлоқ хўжалиги маҳсулотларининг экспорт салоҳиятини ошириш ҳамда қайта ишлаш занжирини ривожлантириш бўйича қўшимча чора-тадбирлар тўғрисида”ги қарори айнан шу мақсадда қабул қилинди. Бу қарорда мева-сабзавот маҳсулотлари экспортдаги мавжуд муаммоларни ҳал этишга эътибор қаратилган.

Яқинда Кишлоқ хўжалиги вазирлигида жамоатчилик кенгаши йиғилиши бўлиб ўтди. Унда айтиш шуниси мўҳкама қилинди. Мева ва сабзавот маҳ-

— Хўш, бунинг ечимини нимада? Айни мева-чева пишган ва саранжом-саришта қилиш бошланган пайтда қандай йўл тутишимиз керак?

— Шу муаммоларга ечим сифатида давлат раҳбарининг юқоридagi қарори асос бўла олади. Эндиликда маҳсулотнинг ҳажмига эмас, сифатига эътибор қаратишимиз лозим. Сифат дегани, бу — қўшимча қиймат ҳосил қилишдир. Бир килограмм маҳсулотни илгари шартли равишда 1 долларга сотган бўлсак, энди уни 3 ёки 5 баравар қимматга сотиш ҳақида ўйлашимиз керак. Бу ўз-ўзидан маҳсулотни сифатли етиштириш ва уни истиқболли бозорларда, яъни аҳолисининг тўлов қobiliбияти юқори бўлган давлатларга тақдим эта олишни тақозо қилади. Масалан, ўтган йили далаларда етиштирилган тарвузлар қолиб кетди. Хўш, бунга сабаб нима бўлди? Биласиз, минтақамиздаги давлатлар, асосан, қишлоқ хўжалиги маҳсулотлари етиштирилади. Бозор иқтисодиётининг фундаментал тамойилига кўра, тақлиф қўйлаб кетса, ўз-ўзидан талаб камаяди. Тақлиф берувчилар бозор тақдиротини амалга оширмасдан ҳудуд, регион, минтақа имкониятини ҳисобга олмасдан бир турдаги экинни кўп экиб юборса, бу хато бўлади.

Ўтган йили тарвуз ва хориждан арзон помидор кириб келиши оқибатида маҳаллий етиштирувчилар маҳсулотни кетмай қолди. Бир турдаги маҳсулотнинг кўп етиштирилиши ва бу эҳтиёждан ортиб қолиши натижасида нархлар тушиб кетди. Шунинг учун биз ҳажмга эмас, сифатга ишлаганимиз керак. Қайта ишлашни ривожлантиришимиз зарур. Юқорида тилга олинган қарорда маҳсулотларни етиштириш, қайта ишлаш ҳамда саклашнинг мақсадли кўрсаткичлари белгилаб берилган.

— Бу йил юртимизда қанча гилос етиштирилиб, қайси мамлакатларга экспорт қилинди? Ва қайси мамлакатлар маҳсулотимизга кўпроқ харидор?

— Бу йил боғларимизда гилос мўл бўлди. Ўтган йилдагига нисбатан бир

неча минг тонна кўпроқ териби олинди. Жами 300 минг тонна гилос етиштириш имкониятига эгамиз. Шундан 50 минг тоннадан зиёдини экспортга чиқариш мўлжалланган. Гилоснинг асосий бозорлари бўлган Россия, Қозоғистон, Қирғизистон ҳамда Араб давлатларига экспорт қилишни бошлаганимиз. Жанубий Корея ва Хитойга ҳам юбюрямиз. Яқинда экспортчиларимиз Жанубий Кореяга ҳар килограммини 7 доллардан чиқара бошлади. Араб давлатларига 5 — 8 долларгача сотиляпти.

Албатта, бизнинг гилосларимиз Жанубий Кореядек ривожланган давлатга экспорт қилинаётганининг ўзи катта ютуқ. Чунки бу давлат ҳар томонлама сифат кўрсаткичи юқори ва жаҳон стандартларига тўлиқ жавоб берадиган маҳсулотга харидор бўлади. Ушбу давлатга жўнатилаётган гилоснинг ширинлик кўрсаткичи 23 фоиз чиқаяпти. Бу йилги мўлжалимиз ушбу мамлакатга 500 тонна гилос сотиш.

Бизда гилос пишқиқчилик мавсумининг биринчи меваси ҳисобланади. Ўтган йили 40 минг тоннадан зиёдини экспортга йўналтирган бўлсак, бу йилги мақсадимиз ундан 10 минг тонна кўп.

— Бу йил “полиз табиби” дея аталувчи шиғфобахш тарвузларимиз ўз боҳосига эга бўладими?

— Аллақачон тарвузлар бозорларимизни эгаллаб, халқимиз дастурхонига етиб борди. Ички бозор таъминлангандан сўнг, уни экспорт қилишга киришдик. Ҳозирги кунда Россия, Қозоғистон, Қирғизистонга ва Европа давлатларига чиқаряпмиз. Тарвузларимиз 76 та мамлакат бозорларига кириб бормоқда. Ўтган йили килоси 8 центдан ҳам сотилмаган, далаларда қолиб кетган эди. Ҳозирги кунда 30 — 40 центдан сотилмоқда. Бозорларимизни диверсификация қилишга ўтдик. Араб мамлакатлари тарвузимизга харидор. Ҳозирги кунда Европа давлатларига улушини кўпайтирдик. Хусусан, Латвия, Литва, Эстония ва Польша бозорларидан ҳам ўзбек деҳқонларининг тарвузлари харидорлар “кўзини ўйнатмоқда”.

— Ўзимизда тарвузни қайта ишлаш имкониятларидан нега унм-ли фойдаланилмаяпти?

— Ҳудудларда қайта ишлаш корхоналари мавжуд. Тўғриси, илгари бу корхоналар тўлиқ қувватда ишламаган. Бунда йўл қўйган асосий камчилигимиз шундаки, етиштирувчи ва қайта ишловчи ўртасида ҳамкорлик мавжуд эмас эди. Ҳозир шу механизм йўлга қўйилди. Яъни тарвуз янги узилган пайтда экспортга йўналтирилади, қолганлари қайта ишланиб, ундан мураббо, шарбат ёки бошқа турдаги маҳсулотлар тайёрланади. Тарвузга сублимация усули-

да ишлов берилади — суви тортиб олиниб, қуруқ ҳолга келтирилади, агар яна сувга солсангиз, яп-янги узилгандай бўлади. Қовуни ҳам шундай усулда қайта ишлаш мумкин. Сублимациянинг ютуқли томони шундаки, ундаги ҳамма фойдали элементлар сақлаб қолинади. Шу боис бу йил тарвузни қайта ишловчиларни қўллаб-қувватлаш мақсадида уларга субсидия бериш тизими жорий этиляпти. Албатта, бу ўзининг ижобий самараларини беради, деган умиддамиз.

— Ўтган йили 11,2 минг тонна кўрилган ўрик хорижга экспорт қилинди. Бу 17,4 млн. долларни ташкил этди. Айтинг-чи, айти пишқиқчилик пайтида мамлакатимизда неча тонна ўрик ерга тушиб нобуд бўлмоқда? Агар шу исрофгарчиликнинг олди олинганда яна қанча миллион долларлик туршак экспорт қилган бўлардиқ?

— Тўғри, ўтган йили ўрикларнинг бир қисми нест-нобуд бўлди. Экспорт қилишга улгура олмади қолдик. Шунинг учун ҳозир ҳар битта ҳудудда кооперативлар ташкил этилмоқда. Водийда ўрикчиликка ихтисослашган маҳаллалар бор. Уларни кооперативларга бирлаштириб, хорижий молия институтлари ёки банкларнинг имтиёзли кредитлари асосида қуришти, қадоқлаш, қайта ишлаш ва саклаш чораларини кўряпмиз. Ҳосил исроф бўлишининг олдини олиб, қуриштилан ҳолда ўртача 2 доллардан сотасак ҳам ўтган йилдагига нисбатан экспортимизни қаррасига ошириш имконияти бор. Бу йил ўрик ва бошқа ёз нозеъматларини йиғиш, етказиб бериш, қуриштиш ва қайта ишлаш кооперативга бирлашган ҳолда амалга оширилмоқда. Бу эса исрофгарчиликнинг олдини олишда муҳим аҳамият касб этади.

— Кишлоқ хўжалиги вазирлиги ҳузуридаги Ўсимликлар карантини ва ҳимояси агентлиги мутахассисларининг Япония Кишлоқ, ўрмон хўжалиги ва балиқчилик вазирлиги билан олиб борган музокаралари натижасида 11 турдаги маҳсулот учун фитосанитар рўхсатлар олинди. Шу ҳақда батафсил тўхталсангиз.

— Японияда 59 та бозор очганмиз. Ҳолбуки, бозор очиш осон иш эмас. Ҳар бир давлат четдан кириб келадиган маҳсулотлар учун ўзларининг талабларини қўяди. “Бозор очиш” дегани, маҳсулот турларига кўра фитосанитария рўхсатларини олишдир. Бу жуда мураккаб жараён. Масалан, Америка Хитойда битта маҳсулотга бозор очиш учун 7 йил вақт сарфлаган. Биз 2018 йилдан 2025 йилгача Хитойда 26 тур маҳсулот учун бозор очдик. Япони-



яда эса 59 та, шундан 11 таси яқинда очилди. Анжир, анор, бодом, бодринг, жийда, қарам, кашанич ва бошқа мева-сабзавоту кўкатларимиз японияликлар дастурхонини безамоқда.

Дунё бозорлари учун сифат энг муҳим жиҳат. Сифат бор жойда ҳурмат бор, ҳамжихатлик бор. Бунга эришиш учун экспортчиларимизнинг дунёқарашини ўзгартириш керак. Чунки Ўзбекистон жуда катта ўзгаришлар олдида турибди. Зиммамизда ЖСТга аъзо бўлишдек катта вазифа қўйилган. Шу жиҳатларни ҳисобга олиб, бозорни диверсификация қилишимиз керак.

— ЖСТ талабларига мослашиш доирасида экспортчи компанияларни қўллаб-қувватлаш учун жорий этилган 6 та имтиёз бекор қилинди. Бунинг экспортчиларимизга таъсири ҳақида ҳам...

— ЖСТ халқаро савдонинг тартибига солиб турувчи регулятор ташкилот. Унинг ўзига хос талаблари бор. Мисол учун, Ўзбекистон унга қўшилмоқчи бўлса, савдо соҳасига оид қонунларини ташкилотга аъзо давлатниқига мослаштириши лозим. Дунёдаги барча давлатларда маҳсулотлар эркин ҳаракат қилади. Ўзбекистон ҳам шу талабларга жавоб бериши зарур. Бу ерда тўғридан-тўғри экспортчи корхонага имтиёз берилиши керак эмас. Бошқа давлатдаги корхоналар ва Ўзбекистондаги экспортчи корхоналар бир хил рақобат муҳитига эга бўлиши талаб этилади.

Илгари экспортчи корхоналаримиз маҳсулотларни хорижга чиқарганда транспорт харажатларининг маълум бир қисми қолиб бериладди. Бу шу йил 1 январдан бошлаб бекор бўлди. Солиқ имтиёзлари ҳам бор эди, яъни экспортчи корхоналар маҳсулотни хориж бозорига йўналтирганда 15 фоизлиқ фойда солиғи 0 фоизга туширилган эди. 2024 йилда бу солиқ имтиёзи ҳам бекор бўлди. Экспортчи бир вақтнинг ўзида импортчи бўлиши ҳам мумкин. Сабаби, Ўзбекистонда ҳамма маҳсулот учун хомашё топиш қийин масала. Шунинг учун бошқа бир давлатдан хомаш-

шени олиб келишда муқобиллашган савдо келишувларига эришилади. Натижада маҳсулотни истеъмолчига арзон нархда етказиб бериш имконияти яратилади.

Имтиёзларнинг бекор бўлиши экспортчилар фаолиятига таъсир қилмайдди. Энди имтиёз эмас, имкониятлар кўпаймоқда. Имтиёзга суяниб эмас, имкониятдан фойдаланиб ишлаш керак. Эътибор бериш, энг арзон транспорт тури бу денгиз орқали. Биз сув транспортига етиб боришимиз учун камида битта ёки иккита давлат чегарасини кесиб ўтишимиз керак. Бу эса харажатни ошириб юборади. Агарда биз маҳсулотларимизни сифатли тайёрласак, сифатли етиштирадиган бўлсак, уни ташқи кўринишига, қадоғига, дизайнига, брендинга эътибор берадиган бўлсак, албатта, бундай харажатларни қолиб, юқори самарадорликка эришамиз.

— Ҳозирги кунда умуман, юртимиздан хорижга неча турдаги сабзавот, полиз, дуқакли экинлар, мева ва узум экспорт қилиняпти?

— Мамлакатимизда 2024 йилда 2 млн. тонна мева ва сабзавот экспортни амалга оширилди. Бу 1,5 млрд. доллардан кўпроқни ташкил этди. 2023 йилдагига нисбатан 124,5 фоиз, яъни 454 млн. доллар кўпроқ фойда олинди. Бу маҳсулотлар 76 та давлатга етказиб берилганининг ўзи катта кўрсаткич. Жами 347 турдаги маҳсулотдан 69 тури мева ва сабзавотларни ташкил этади. Асосан, Россия, Покистон, Қозоғистон, Афғонистон, Хитой, Қирғизистон, Туркия, Озарбайжон ва Беларусь давлатларига сотилган. Бундан ташқари, 2024 йилнинг ўзида 15 та янги бозор очилди, 883 минг долларлик маҳсулот Словакия, Сурия, Ўмон, Албания, Фаластин, Кипр, Иордания, Коста-Рика, Кения, Вьетнам, Ливан, Молдова ва Бангладеш давлатларига экспорт қилинган. Бу йилги мақсад — мазкур кўрсаткични 2,5 млрд. долларга етказиш.

Сўхбатимиз якунида шуни айтмоқчиманки, шириндан-шакар мева-чева, полиз ҳамда сабзавот маҳсулотларимизга хорижда харидор кўп экан, демек, боғларимизни янгиллашимиз, серҳосил навли дарахтларни кўпайтиришимиз лозим. Энг муҳими, бугун табиат инъоми бўлган неъматларни “яқинга эмас — узоққа, ҳажмга эмас — сифатга, арзонга эмас — қимматга” тамойилига амал қилган ҳолда экспортга чиқарасак, албатта, қўзғалган мақсадимизга эришамиз.

Фахриддин БОЗОРОВ
«Халқ сўзи»
суҳбатлашди.



ЖАҲОН БОЗОРИНИ ЗАБТ ЭТАЁТГАН САНОАТ КОРХОНАЛАРИ

Куни кеча арзимас туюлган лойиҳалар ҳудудларнинг экспорт салоҳиятини ошириб, одамлар бандлигини таъминламоқда. Қизилтепа туманида “Svs Navoiy” МЧЖ корхонаси томонидан “Маликобод” МФЙ ҳудудидagi 10 гектар ер майдонида 5 та ишлаб чиқариш цехи ишга туширилди. Ўтган даврда 93,9 млрд. сўмлик, 83,0 млн. жуфт қурилиш кўлқоплари ишлаб чиқарилиб, 7,4 млн. долларлик экспорт амалга оширилди. Ҳозирги кунда лойиҳа доирасида 5-цехнинг қурилиш ишлари якунланган бўлиб, 6-цехнинг қурилиши давом этмоқда. Кармана туманидаги “Zarafshan Golden Group” компаниясига қарашли иссиқхоналар мажмуасида ҳам тўрт гектар майдонга эга иккита иссиқхона ўз фаолиятини бошлади.

— Иссиқхоналардан бири Жанубий Корея, иккинчиси Нидерландия технологиясига асосланган, — дейди компания таъсисчиси Улугбек Файзиев. — Энерготехжамкор, тўлиқ қаттиқ ёғилги ёрдамида иси-тилади. Шу тарика иссиқхоналаримиз умумий майдони 15 гектарга етказилиб, ҳосилнинг 80 фоизини экспортга йўналтириш режалаштирилган. Бу — йил давомида 5 млн. АҚШ долларига тенг, демакдир. Илгари 250 нафар киши ишлаган бўлса, янги лойиҳа туфайли яна 80 киши ишлар сафига қўшилди. Янги ишчиларнинг 45 нафарини турли ижтимоий дафтар-

ларда турган кишилар ташкил этади. Вилоятда ҳудуд учун хос бўлмаган ноанъанавий маҳсулотлар ишлаб чиқарилишининг ўзлаштирилиши экспорт географияси кенгайишига замин яратмоқда. Хусусан, ўтган йили Арманистон, Мексика, Словакия, Чили, Швейцария ва Эквадор бозорлари ўзлаштирилиб, қўшимча 4,4 млн. долларлик маҳсулот экспортга амалга оширилди. Ва экспорт географиясидаги давлатлар сони 35 тага етказилди.

● Хизматлар соҳасида сўнгги беш йилда 11 930 та янги тармоқлар кенгайиб, улар томонидан 100 дан ортқ хизмат турлари кўрсатилиши йўлга қўйилди.

● Қизилтепа туманида “Svs Navoiy” МЧЖ корхонаси томонидан “Маликобод” МФЙ ҳудудидagi 10 гектар ер майдонида 5 та ишлаб чиқариш цехи ишга туширилди.

● 2025 йилнинг биринчи чораги якунига кўра вилоят бўйича 6 та ИТ парк резидентлари рўйхатдан ўтказилиб, умумий сони 52 тага етказилди ва шундан 2 таси экспортчи корхона ҳисобланади.

— Вилоятимизда ўтган йилдагига нисбатан экспорт ҳажминини 127 фоизга ошириш режалаштирилган, — дейди Навоий вилояти Инвестициялар, саноат ва ташқи савдо бошқармаси бошлиғи Элбек Ғафоров. — Жорий йилда вилоятдаги 82 та корхона томонидан 269,9 млн. долларлик экспорт бажарилиб, белгиланган режа 104 фоизга уддаланди. Бу ўтган йилнинг мос давридагига нисбатан

107 фоиз ўсишни ташкил этади. Экспорт ҳажмининг ўтган йилдагига нисбатан 30 фоиз оширишни таъминлаш бўйича ишга туширилган 575 та, шундан саноат йўналишидаги 178 та инвестиция лойиҳаси ҳисобига 30,0 млн. доллар ҳамда мавжуд корхоналарнинг ишлаб чиқариш ҳажминини кўтариш ҳисобига 1 351,0 млн. долларлик маҳсулотлар экспортга амалга оширилади. Бунда тайёр маҳсулотлар улушини 30 фоиздан 45 фоизга ет-

казиш, экспорт географиясини 35 та давлатдан 45 та давлатга, маҳсулотлар турини 105 тадан 120 тага, корхоналар сонини эса 180 тага етказиш таъминланади. Мамлакатимиз раҳбари Навоий вилоятига ўтган йилги ташрифида марча нийоятда баланд олинганлигини таъкидлаб, унга эришишда ҳудуд имкониятларидан тўлалигича фойдаланилмаётганлигини танқид қилган, яқин

истиқболга мўлжалланган вазифаларни белгилаб берганди.

Шу асосда 2025 йилнинг биринчи чораги якуни таҳлил этилар экан, вилоят ҳокими ҳудудда ИТ хизматларини ривожлантириш бўйича амалга оширилаётган ишларга баҳо берди. Хусусан, вилоят бўйича 6 та ИТ парк резидентлари рўйхатдан ўтказилиб, умумий сони 52 тага етказилган бўлса, шундан 2 таси экспортчи корхона ҳисобланади. Мазкур резидентларнинг 5 таси Навоий шаҳрига, 1 таси Қизилтепа туманига тўғри келади. Жорий йилда кўрсатилган ИТ ички хизматлар ҳажми 18,3 млрд. сўм, айтиш шу хизматлар экспортни 1,0 млн. АҚШ долларини ташкил этади. Бу — ўтган йилнинг мос давридагига нисбатан 135 фоиз ўсиш, демакдир. Бироқ шу кунга қадар Учқудук, Хатирчи, Кони-мех, Томди, Қизилтепа туманлари ва Ҳовғон шаҳрида ИТ экспортчи умуман амалга оширилмагани ачинарлидир.

Мавзуга бежиз ИТ йўналишида ҳулоса ясаётганимиз йўқ. Мақола аввалида “япон мўъжизаси” ҳақида ҳикоя қилар эканмиз, ҳар бир соҳани ташқи бозорни мўлжалла олишни таъкидладик. Зеро, глобал бозорлар тараққиёт барқарорлигининг мустаҳкам қафолати ҳисобланиб, миллий иқтисодиёт имунитетининг гаровидир.

Темур ЭШБОЕВ
«Халқ сўзи».

Ёш кимёгарлар муваффақияти

Тошкент шаҳрида 28 май — 3 июнь кунлари Абу Райҳон Беруний номидаги Фахр халқаро кимё олимпиадаси ўтказилди.

Олимпиада 2024 йил 30 сентябрдаги “Иқтидорли ёшлар билан ишлаш тизимини янада тақомиллаштириш чора-тадбирлари тўғрисида”ги Президент қарориди белгиланган тегишли вазифалар ижросини таъминлаш мақсадида Мактабгача ва мактаб таълими вазирлиги, Ихтисослаштирилган таълим муассасалари агентлиги, Фан олимпиадалари маркази ҳамкорлигида ташкил этилди.

Унда дунёнинг 13 та мамлакатини — Саудия Арабистонини, Туркия, Озарбайжон, Монголия, Беларусь, Вьетнам, Россия, Грузия, Ҳиндистон, Қозоғистон, Қирғиз Республикаси, Тожикистон, Туркменистондан келган, шунингдек, Ўзбекистон вакилларидан иборат, жами 115 нафар (28 та жамоа) ўқувчи-ёшлар қатнашди.

Халқаро олимпиаданинг юқори савияда ўтказилишини таъминлаш мақсадида ҳакамлар ҳайъати таркибига Туркия, СаудияАрабистони, Россия, Беларусь ва Англия каби хорижий мамлакатлардан халқаро олимпи-



адалар соҳасида кўп йиллик тажриба ва юқори салоҳиятга эга эксперт мутахассислар, шунингдек, Ўзбекистондан академик унвонга эга олимлар жалб этилди.

Эътиборлиси, ушбу мусобақада жами 69 нафар ўқувчи турли даражадаги медаллар билан тақдирланди. Улар орасида ўзбекистонлик ёшлар 19 та — 6 та олтин, 8 та кумуш, 5 та бронза медал билан халқаро олимпиаданинг яқна пешқадамига айлангани қувонарли ҳолат, албатта.

Таъкидлаш жоизки, мазкур олимпиада июль ойида ўтказиладиган Халқаро кимё олимпиадасига навбатдаги тайёргарлик бо-сқичи бўлиб хизмат қилади.

Раҳим ШЕРҚУЛОВ
«Халқ сўзи».

РЕКЛАМА

O'ZBEKISTON DAVLAT KONSERVATORIYASI

quyidagi kafedraga tanlov e'lon qiladi:

"Musiqiy pedagogika" kafedrasida: dotsent — 1 o'rin.

Tanlovda ishtirok etish uchun da'vogarlar quyidagi hujjatlarni taqdim etishlari lozim:

- rektor nomiga ariza;
- xodimlar shaxsiy varaqasi;
- oliy ma'lumoti, ilmiy darajasi, ilmiy unvoni haqida diplom va attestatlarning nusxalari;
- o'quv-uslubiy, ilmiy-tadqiqot va ilmiy-ijodiy ishlari ro'yxati
- mutaxassislik bo'yicha oxirgi uch o'quv yilida malaka oshirganligi to'g'risidagi guvohnoma va sertifikatlar nusxasi;

Arizalar e'lon chiqqan kundan boshlab bir oy muddat ichida O'zbekiston davlat konservatoriyasining xodimlar bo'limi tomonidan qabul qilinadi.

Manzil: 100027, Toshkent shahar, Shayxontohur tumani, B. Zokirov ko'chasi, 1-uy.



ЗАМОНАВИЙ БИЛИМЛАР, ИЛМҲИЙ ИЗЛАНИШЛАР, ИННОВАЦИОН ТАДҚИҚОТЛАР

**Халқаро Нордик университети
фаолиятида таяниладиган асосий қадрият**

Ўзбекистон қадим-қадимдан илм-маърифат маркази, цивилизациялар чорраҳаси бўлиб келган. Ушбу табарруқ заминда камолга етган буюк алломалар, олиму мутафаккирлар ўзларининг илми, илғор ғоя ва ихтиролари билан дунё тамаддунига катта ҳисса қўшишган.

Бугун янги Ўзбекистонда илм-фанда азалий қадриятларни қайта тиклаш, қонимизда бўлган яратувчанлик, бунёдкорлик қудратини уйғотиш, олий таълим муассасаларида илмий изланишлар ва инновацион тадқиқотлар учун барча шарт-шароитни яратиш, соҳа фидойилари, ёш олимларни қўллаб-қувватлашга алоҳида эътибор

қаратилмоқда. Президентимиз Шавкат Мирзиёев бугун биз барпо этаётган учинчи Ренессанс пойдевори, ҳеч шубҳасиз, инсон капитали, илм-фан, инновация ва янги кашфиётлар асосида бунёд қилинишини соҳа бўйича ўтказилган йиғилишларда, турли анжуман ва учрашувларда бот-бот таъкидлайди. “Ўзбекистон — 2030” стратегияси доирасида ҳам илмий ва инновацион фаолият учун замонaviй инфратузилмалар яратиш, илм-фан ва ишлаб чиқариш интеграциясини мустаҳкамлаш бўйича кенг қўламли чора-тадбирлар белгилаб олинди. Хусусан, илм-фанга йўналтириладиган маблағларнинг элли ички маҳсулотдаги улушини 2030 йилгача 10 марта ошириш режалаштирилган.



“3D” принтерлар мавжуд бўлиб, улар пластмасса, композит материаллар, металл ва биокompatibil полимерлар каби кенг турдаги материаллар билан ишлаш имконини беради. Айниқса, роботик тизимлар учун зарур мослашувчан ва мустаҳкам компонентларни яратишда кўп материалли босма технологиялар мўҳим аҳамият касб этмоқда. “3D” принтерлар ёрдамида ишлаб чиқилган қисмлар юқори аниқликка, мураккаб ички тузилишга ва индивидуал лойиҳалаштирилган функционал хусусиятларга эга бўлиб, улар роботларнинг аниқлиги, чидамлилиги ва самарадорлигини сезиларли даражада оширади.

Робототехника лабораторияси ўз фаолиятида фақатгина “3D” ўлчамдаги босмани эмас, балки сунъий

ларни чуқурлаштиришга, балки улар асосида амалий натижалар олишга имкон беради.

Ғоялардан — амалий ишланмаларга

Лабораторияда ташкил этилган ўқув дастурлари ва лойиҳалар талабалар ва ёш олимларни амалий муаммоларни ҳал қилиш кўникмаларига эга бўлишга ундайди. Талабалар мустақил равишда ёки илмий раҳбарлар билан ҳамкорликда робот прототипларини ишлаб чиқиш, уларни “3D” принтерлар ёрдамида босиб чиқариш, дастурлаш ва амалий тажриба қилиш имкониятига эга. Бундай мўҳида улар ўз ғояларини тезда реал қурилмаларга айлантириб, технологик тадбиркорлик ва инновацион фикрлаш кўникмаларини ривожлантиради.

Хусусан, таълим муассасасида “3D” принтерларга асосланган робототехника лабораториясининг ташкил этилиши илмий изланишлар ва технологияларнинг мустаҳкам пойдевор яратди. Лаборатория ўзининг илғор инфратузилмаси, замонaviй технологик ечимлари ва илмий-иқтисодий мўҳити билан нафақат университет миқёсида, балки глобал даражада ҳам робототехника ва рақамли ишлаб чиқариш соҳаларида салмоқли натижалар беришга қодир марказлардан бирига айланган.

Илм-фан ҳар қандай мамлакат тараққиёти ва фаровонлигининг асосидир. Айниқса, барча соҳада янгиликларга интилиш ҳамда рақобатлашув жараёنлари кучайган бугунги давр иқтисодий салоҳиятни мустаҳкамлаб бориш учун илғор илмий ишланмалар ва илмий-техникавий ютуқлардан самарали фойдаланишни талаб этмоқда.

Жаҳон тажрибаси шуни кўрсатадики, ҳар томонлама ривожланган инновацион тизимга эга мамлакатлардагина инновация жараёнлари самарали амалга оширилиб, технологиялар ва бошқа илмталаб маҳсулотлар тижоратлаштирилмоқда.

Бугун Ўзбекистонда ана шундай тизим бор ва унинг қонуний-ҳуқуқий асослари мустаҳкамланган. Эндиликда олий ўқув юртлири, “ақл марказлари”, иқтисодиётнинг реал сектори ва етакчи компанияларнинг инновация фаолиятини қўллаб-қувватлаш, илмий ишланмаларни тижоратлаштириш ҳамда ҳаётга татбиқ этиш борасидаги ҳамкорлигини янада кучайтириш — давр талаби. Бу эзгу йўлда Халқаро Нордик университети ҳамкорликка доим тайёр ва илмий ютуқларининг жамият тараққиётига хизмат қилишидан манфаатдор. Зеро, замонaviй билимлар, илмий изланишлар, инновацион тадқиқотлар билан элуртимиз равнақига ҳисса қўшиш университетимиз таянадиган асосий қадриятдир.

Шерзод РАҲАБОВ,
Халқаро Нордик университетининг
Саноатни бошқариш ва рақамли технологиялар
кафедраси доценти.

«Жаҳон чемпиони — 2026»

Узоқ кутилган тарихий онлар яқин

Футбол бўйича Ўзбекистон миллий терма жамоаси 2026 йилда АҚШ, Канада ва Мексика яшил майдонларида ўтказиладиган 23-жаҳон чемпионати учинчи босқич саралаш баҳслари доирасида Бирлашган Араб Амирликлари ҳамда Қатар терма жамоаларига қарши майдонга тушади.



Темур Кападзе бош мураббийлигида футболчиларимиз бугун, 5 июнь кўни гуруҳдаги энг мўҳим ўйинда БААга қарши сафарда тўп суришади. Мазкур беллашувдаги дуранг натижа ҳам Ўзбекистон терма жамоасига илк маротаба жаҳон чемпионати йўлланмасини нақд қилади. Араб диёрининг иссиқ об-ҳавосига кўникиш ва масъулиятли ўйин олдидан терма жамоамиз бир ҳафта муқаддам ушбу мамлакатга бориб, ўқув-тайёргарлик машғулотларини бошлаб юборди. Йиғинга қўйидаги футболчилар жалб этилган.

Дарвозабонлар — Ўткир Юсупов (“Фулд”, Эрон), Абдувоҳид Нейматов (“Насаф”), Ботирли Эргашев (“Нефчи”).

Ҳимоячилар — Умар Эшмуродов, Шерзод Насруллаев (“Насаф”), Абдулла Абдуллаев, Хожикбар Алижонов (“Пахтакор”), Рустам Ашурматов (“Рубин”, Россия), Абдуқодир Хусанов (“Манчестер Сити”, Англия), Фаррух Сайфиев (“Нефчи”), Ислам Тўхтажўаев (“ОКМК”), Хусниддин Аликулов (“Ризеспор”, Туркия).

Яримҳимоячилар — Одил Ҳамробеков (“Бунёдкор”), Аббос Файзуллаев (ЦСКА, Россия), Жамшид Искандеров (“Нефчи”), Жалолиддин Машарипов (“Истиклол”, Эрон), Остон Уронов (“Персеполис”, Эрон), Отабек Шукуров (“Ал Фейха”, Саудия Арабистони), Абдурауф Бўриев (“Пахтакор”), Акмал Мозговий (“Насаф”), Руслан Жиянов (“Навбаҳор”), Хожимат Эркинов (“Ал Ваҳда”, БАА), Азиз Турғунбоев (“Сиваспор”, Туркия).

Ҳужумчилар — Элдор Шомуродов (“Рома”, Италия), Игорь Сергеев (“Пахтакор”).

Икки жамоа шу кўнга қадар турли мусобақалар доирасида ўзаро 18 бора тўқнаш келган. 9 та учрашувда рақибларимизнинг қўли баланд кўтарилган бўлса, 5 та беллашувда вакилларимиз муваффақиятга эришган. 4 та тўқнашув эса дуранг натижа билан якунланган. Терма жамоамиз ушбу баҳслар давомида умумий 20 та гол уриб, 25 марта ўз дарвозасидан тўп олиб чиққан. Агар фақатгина жаҳон чемпионати саралашидagi ўйинларига эътибор қаратадиган бўлсак, устуллик рақиблар томонида бўлиб келган. Терма жамоамиз 1 ўйинда ғалаба қозониб, 3 та учрашувда мағлуб бўлган ҳолда, 1 бора дуранг ўйнаган.

Саралаш босқичининг 9-туридан ўрин олган БАА — Ўзбекистон учрашуви Абу-Даби шаҳридаги “Ал-Нахаёи” стадионида Тошкент вақти билан соат 21:00 да бошланади. Ушбу турнинг марказий ўйинини австралиялик ФИФА рефериси Шон Эванс бошқариб боради, унга қанотларда ҳамюртлари Жорж Лакриндис ва Оуен Голдрик ёрдам беради. 4-расмий ҳакам сифатида Жонатан Баррейро, VARда эса Александр Кинг ишлайди.

Суннатилла ИСЛОМОВ
(“Халқ сўзи”).

РЕКЛАМА

«O‘zsanoatqurilishbank» ATB aksiyadorlarining 2024-yil yakuni bo‘yicha yillik umumiy yig‘ilishini o‘tkazish (masofadan) to‘g‘risida

XABARNOMA



HURMATLI BNAK AKSIYADORLARI!

«O‘zsanoatqurilishbank» ATB (Toshkent shahri, Shahrhisab ko‘chasi, 3-uy manzili bo‘yicha joylashgan, korporativ veb sayti: WWW.sqb.uz, e-mail: info@sqb.uz) Kuzatuv kengashi sizga 2025-yil 30-iyun kuni Toshkent vaqti bilan soat 11-00 da masofadan turib elektron ovoz berish xizmati <http://evote.uz/> orqali bank aksiyadorlarining navbatdagi yillik umumiy yig‘ilishi belgilanganini ma‘lum qiladi.

YIG‘ILISH KUN TARTIBI:

1. Bank Kengashi va Boshqaruvining 2024-yil yakunlari bo‘yicha faoliyatini hamda bankning rivojlanirish strategiyasini bajarilishi bo‘yicha ko‘rilayotgan chora-tradbirlar to‘g‘risidagi hisobotlarini eshitish.

2. Bankning 2024-yil yakunlari bo‘yicha yillik hisobotini tasdiqlash.

3. Bank foydasini taqsimlash va Kengashning har bir mustaqil a‘zolariga korporativ yil uchun to‘lanadigan mukofot kompensatsiyaning eng yuqori miqdorini belgilash.

4. 2025-2026 korporativ yili uchun Bank Boshqaruvi a‘zolariga to‘lanadigan mukofotining maksimal miqdorini belgilash.

5. Bank Boshqaruvi raisi va Boshqaruv a‘zolarining vakolatlarini 1 (bir) yilga tasdiqlash to‘g‘risida.

6. 2025 moliya yili bo‘yicha Bankda auditorlik tekshiruvini o‘tkazish uchun tashqi auditor tashkilotini va ushbu tashkilotni xizmatlariga to‘lanadigan eng ko‘p haq miqdorini belgilash.

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 642. 13 107 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Газетани ҳақиқатда маълумотларни юзлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-259-74-51; котибхона 71-259-74-53; эълонлар 71-259-74-45.



Тахриратта келган қўлазмалар тақрир қилинмайди ва муаллифга қайтарилмайди.

Газетанинг сўказиб берилиши учун обунани расмийлаштирган ташкилот жаобгар.

Газета тахриратта компьютер марказида терилди ҳамда оператор А. Исмаилов томонидан саҳифаланди.

Газетанинг полиграфик ҳиждатдан сифатли чоп этилишига “Шарқ” нарийёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:

100066,
Тошкент шаҳри,
Ислоҳ Каримов кўчаси, 55-уй.

Навбатчи муҳаррир — Х. Норбоев.
Мушаххис — С. Исмолов.

“Шарқ” нарийёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 20.50 Топширилди — 01.15 1 2 3 4 5 6